

yrem hantwergke so boze gewande machen, daz zeu margkte firen unde vorkauffen, daz das *hantwergk^{a)}) domethe so groslichen darneder geslagen, dem gemeyn *hantwergke^{b)}) unde den Fribergischen tuchern so bozen ruff unde geschrey machen unde gemacht haben, daz das hantwergk zere dovon ist vortorben, unde wenne sie zeu
 5 margkte komen, so schüet yderman die Fribergischen tucher deshalben, daz sie vormals mit bozen tuchern nicht bewaret sint worden. Dorumbe wir denne umbe gemeyn nucz der stat unde hantwergkes wille eyn follen wolbedochten rot dorober gehabt, dem hantwergke zeugegeben unde besundern den gesworn *hantwergkmeistern^{c)}) desselben hantwergkes bie yren eyden enpfolen unde sie geheissen haben uf yrem hantwergke wol
 10 zeuzcusehne, daz gut gewand an lenge breyte warffe unde webil gemacht werde. Were aber, daz ymandes uf dem hantwergke boze unde geringe gewand machen worde, daz sie bie yren eren unde eyden irkenthen, daz sulch gewand so boze were, daz is dem *hantwergke^{d)}) schedelich syn unde man nymandes domethe bewaren mochte, des sullen die gesworn *hantwergmeister^{e)}) ganzce macht haben, daz sie is zeusnyden mogen, uf
 15 daz das is nicht zeu margkte gefurd unde vor gut gewand vorkauft unde daz hantwergk dovon beruechtigt werde. Unde umbe gedechtenisse wille, daz wir das dem hantwergke unde gesworn hantwergmeistern zeugegeben haben, so haben wir daz yn unßer buch lassen vorschriben.

210.

20 *Der Rath befiehlt, daß alle, welche Häuser in Freiberg erwerben, dieselben nicht wüst lassen, sondern binnen 4 Wochen besetzen und davon schossen und wachen sollen.* 1435 Mai 3.

Hdschr.: Rathsarchiv Freiberg. Stadtbuch II fol. 15^b.

Anno xxxv^o am dinstage invencionis sancte crucis, so der rat der gemeyne gute rechenunge gethan hat zeu wolgefallen unde vollkommener genuge umbe allerleye yn-
 25 nemen unde ußgeben, do hat die gemeyne gebeten den rat, daz sie is also bestellen, daz wuste hewser besaczt werden unde die stat nicht ires rechten doruß an schassen unde wachen enperen musse nach durffe. Doruff denne der rat mit wolbedochtem mute eyn-
 trechtigem gutem vorrate eyn unde rates worden sint unde haben lassen offenberlichen ußrueffen unde gebieten unde wollens stete unde ganzc gehalden haben, daz eyn yder-
 30 man, er sie geistlich ader wertlich, monch nonne ader pfaffe, burger ader mitteburger, ynwoner ader gast, der eyn hews hie yn der stat gewynnhet ader mit gerichte unde rechte an sich brenget ader daz is em yngesaczt ader ufgegeben worde, daz er eyn doruß twunge, daz is wuste worde, is were vor erbeczins, gatterczins ader geldschulde, wie daz ymmer komen unde benandt werden mochte, daz er daz yn keyne wis wuste sal
 35 steln lassen, sundern bynnen vier wochen besetzen, doruß schassen unde wachen ane allerleye wederrede unde anderunge. Geschege des nicht, also daz sie die hewser nicht bynnen vier wochen beseczten, sundern lenger wuste steln lyessen, so wil sich der rat

209. a) hanckwergk. b) hangkwergke. c) hangkmeistern. d) hangwergke. e) hantwergmeister.